

Koolijuht häötäsi är kohustusligu riigieksämi

Kae lk 2

Uma Lehe suurõ jutu- vőistlusõ võitja teedä!

Kae lk 3

Ruitlanõ sai partei- lehtist häid möttit

Kae lk 4

Nõvvokoda avitas rahvarõivit tetä

Timahava radokuun luud Lõuna-Eesti rahvarõividõ nõvvoandmiskoda soovitas ka võro-kõsil inne näide käest nõvvo küssü, ku hindale rahvarõivit tegemä naada.

Nõvvokoda seletas, et parilla juhtus saköst niimuudu, et tandsu- vai laulurühm taht hindale rahvarõivit, a jõvva-i inne muusõummi uurma minnä, mändse neo kõgõ õigõmba umakandi röiva omma. Perän omma röiva tellidü, raha är massõt, a tulõ väällä, et röiva olöki-i neo, midä taheti.

Lõuna-Eesti rahvarõividõ nõvvoandmiskua inemise tiidvä egä kihlkunna ja kandi õigit rahvarõivit, andva nõvvo pasligu matõrjaali ja hää röividõ tegijä löidmice jaos.

Nõvvoandmiskoda tege huvi- liidsilõ ka rahvarõiva-oppuisi. Nõvvo saa ka telefoni ja e-kiräga. Lähkumbätteedüst saa Vaabala Janne käest tel 510 6341.

Uma Pido DVD telmine

Võrokõisi edimäne Uma Pido filmiti üles ja tuust omma õkvalt valmis saaman kats filmi – üte DVD pääle tulõ pido päävaprogramm ja tõsõ pääle Uma Pido pääkonsõrt. 50 filmi läävav teno EAS-lõ massulda jagamisõs avaligus pruuksõs raamadukokõlõ, muusõummõlõ ja tõsilõ asotuisilõ.

Kõik, kiä tahtva hindale taad

filmi osta, võinu hindast il-dampa 9. joulukuus Võro Seltsi teedä anda – sõs om lihtsämb otsusta, ku pallo filme telmä piässi. Teno EAS-i tugõmisõlõ lätt kats DVD-d masma önnõ 75 kruuni.

Filmi tutvustust saa kaia Uma Pido kodoleche www. umapido.ee päält uudissidõ alt.

Nii teljä ku massulda saaja saava filmi kätte päält filmi valmissaamisõ pito, miä tulõ tulõval aastal vahtsõastakuu lõpun. Filmi telmine: triinu. ojar@wi.werro.ee, tel 78 28 752 vai 533 22 153.

Kõnõldas Läti lõunaeestlaisist

12. joulukuu pääväl kell 11 kõrraldas Tartu ülikooli Lõuna-Eesti keele- ja kultuuruuringuidõ keskus kõnnõpäävää Läti lõunaeestlaisist.

Midä põnõvat om Lätimaalt mi rahva kotsilõ löötü, and teedä vanno asjo välläkaibja Valgu Heiki. Kõgõ lõunapuulõmast lõunacesti keelest kõnõlõs Pajusalu Karl, Piho Mare jutt om lutsi rahvast etnoloogi pilgu läbi.

Viil tulõ juttu Lutsi maa-rahva kerikist ja lähkumbält kõnõldas Vana-Laitsna võro-kõsist (kiil, kotussõnime, inemiisi koolitii).

Päivä peetäs Tariton Lossi 3-406. Päävää lõpõtas iloõdak Lõuna-Eesti keele- ja kultuuruuringuidõ keskusõn.

Kündle panti palama

PEEDOSAARÓ KAISA

Edimädsel advendil saadi ka mitmõl puul vanal Võromaal külä vai liina kuusõ all kokko ja panti kündle palama. Uurõ Põlvan, Võrol ja Osolan kuusõ ala kokko tulnusi inemiisi käest, mis näide jaos sääne üritüs tähendäas.

«Nakkas päale pääkside uutminõ ja advendiaig. Latsil om küh pallo põõvust ja ärevüst, a taa om muido iks vast rohkõmb rahuaiig,» arvas Võro abiliinapää Pikkeli Pille (32).

Leisi Elsa (82) Osolast ütel, et ka timä tund, et jouluaig om päale naanu. Võro nuurmihil Mehiläse Stenil (18) ja Tootsi Joosepil (18) joulutunnõt viil pääl olõ-i ja ütlivä näh kah nigu ütest suust: «Lummõ tahaš iks maaha, sis om õigõ joulutunnõ joba!» Pehki Diana (48) oll Põlva kuusõ mano tulnu uma latsõlatsõga. «Mullõ miildüs advendi- ja jouluaig, selle tulligi täämbä siää kuusõ mano,» ütel tä. Osola küläseldsi esinaanõ Soonõ Maret (43) ütel naa-



HARJU ÜLLE PILT
Osolan sai advendikündlide palamapandmisõ pidol näta Sulbi külätiatri tükki tuust, kuis Jouluvana hindale assistenti ots.

rulidsõlt, et om ürituse kõrralda ja säälkandin om seo joba traditsioon, et kuusõkündlit ei panda niisama palama, a tuud tetäs näütemängu kaiõn. «Nii joba kolm aastat perästikku. Üleminnevää aasta oll Uderi Aare pupitiatrist ummi pup-

põga mängmän. A advendiaol mõtlomi noidõ päale, kellega egä päiv kokko ei saa ja seo aig om ka hindä sisse kaemisõ aig,» ütel tä.

A kon vana Võromaa rahvas jouluaol om? «Umatsidõ tsõõrin õks,» vastas Vismanni

Taivo (57) Põlvast. Leisi Elsa om koton ummi latsi ja latsõlatsi man. «Kokko om mul tulõvast põlvõ 27 inemist,» ütel tä naarulidsõlt. Ojaveere Tanel (22) Osolast om umajoulu sõpruja perrega: «Tulõ tekü jouluaig.»

Romantilinõ õudus Pokumaal

SAARÓ EVAR

Aol, ku õdagu omma väega pikä ja püümme, om kõgõ parõmb aoviidüs juttõ kõnõlominõ. Pokumaal loeti 28. märdikuu õdagu ette Jaigi Juhani tondi-juttõ.

Ettelugõjas oll Silmä Anu, kiä oppas Antsla gümnaasiumin cesti kiilt, kirändüst ja juhatas ka näütemängutsõori. Tä lugi Jaigi juttu «Jaaniüü» ja tõsõ juttu Sika Madissõt ni naksikõsist.

Latsilõ ja suurilõ, kedä oll pokukuan kullõman umbõs 50 henge, väega miildü. Latsõ kõnõli küsumise päälle, et nä pelgase kummituisi ja hirmsit filme telekast.

Perän minti tõrvassiidõ valgõl mõtsa. Sääl etendi näütsõõri noorõ egasugumaidsi tontõ, kedä Jaigi juttõn ette tulõ.

Mõni tont, nigu Säni, oll peris sänilt väljä mängit, a näütuses Puraskit kaiõn tull

ette, et egän klassitarõn lövvüs sääne tüüp. Ödagist kogunõs näid «Tarekese» ette joba viie-vai kümnekaupa. Nüüt ei julgu hoobis Antsla pääli liiku, ku tiiät, kiä või hinnast säändide tütpe pargin kakk.

A kostüumi olli näl häästevällä tulnu. Ku tuud asja viil piäs mängitämä, sõs piässi vast märkmä, kuis saanu teksti mõnõ vimka vai scoilmagaidsõ arõndusõ sisse tuvva, et mängitü tonditüübi ka jutu poolõst uskmist väärtilõss.

Egal juhul rahvalõ mõtsa- lisõ miildüvää. Nooril hindil oll kah perän illo pallo, ku ütenkuun Padasumäe muru päale tiid juuma ja kuklikku sümä minti.

Tõrvassõ palli, tsäivesi au- ras ja üten kuusõsaarõn ai kiäki vilipilli hüppä hellü.

Sääne asi ei saa kergelc meelest minnä, ku kuul ütskord läbi om. Tuuperäst om Silmä Anu iks väega oo-koo oppaja. Ja tuud, kuis tä tondi-juttõ kõnõlas, tahassi tõnõ kõrdki kullõla.



FASTRÖ MARIKO PILT
Mõtsan etendi näütsõõri noorõ Jaigi juttõst peri tontõ.



Padjasado Urvastõn.

Minevā riidi valisiva puulsada inemist Urvastõn kõgõ torðampa istmisõ patja. Võistlusõlõ tudti kokko 12 patja, noidõ siän oll'nii põhukottõ ku päävää ja kogoni hüige kujoga patju. Võidutüü (pildi pääl) tekki inneskine urvastõlanõ Ploomipuu Ere üten uma väiku latsõga. Tego om pehme raamat-padjaga «Mi latsi sõbra»: katsa pehme leheküle pääl toimõndasõ Sipsik, Limpa, Nugli, Juss, Lotte, Puuko ja Poku. Kröpsuriba pääl saa tähti ja numbrivid ritta panda.

Tõsõ kottusõ sai Kasevälä Veronika maaška-padi ja kolmandra Rämmanni Tiu kassipadi, miä tettü vanast kampsist.

Võistlusõlõ olnu padja jääse kaemisõ ja istmisõs Urvalinnu mängusõõri latsilõ Urvastõ vanna koolimajja.

KONNULA AIRI jutt ja pilt

Olnut ei massa unõhta

Minevā nätäl sai suurō paugu ja etendusega läbi Eesti Vabariigi 90. juuböliaasta. Aastak läbi peeti terven Eestin esisugumaisi üritüsi.

Aoluku om mõnikord vaia miilde tulöta, tuuperäst oll ka juuböliaasta suurō larmiga tähistamine põhjondötu. Ku mi taast juuböliaastast muud es saa, sis vähembält film «Tuulepealne maa» om egä neläpäävä õdagu telekan. Om kül noritu, et taa film võinu kunstilisõl parömb olla, a mu meeblest om tähtsämb, et taa tulötas miilde katõ sõa vahelist Eesti Vabariiki ummi häie külgi ja hätinga.

Mitmõ inemise omma kõnõlnu, et nā omma tuu filmi peräst nakanu aolu vasta inämb huvvi tundma. Näätuses uurma vapsõ tegemiisi.

Sama jutu ja loosungi, miä olli tuul aol vapsõl, omma ka tämbä Eesti inemisi suun. Tuuperäst omgi tark aoluust oppi, et mi es tennu vahtsõt vannu viku.

RAHMANI JAN

UMA LEHT

Telmisenummnr 00917

Ilmus egä katõ nädäli takast tõsopäävää

Toimõndusõ aadrös: Tartu 48, 65609, Võro

E-post: umaleht@umaleht.ee; info@umaleht.ee

Päätoimõndaja kt: Jan Rahman 78 222 21, 56 606 494
info@umaleht.ee

Keeletoimõndaja: Laivi Org laivi77@hot.ee

Latsinuka toimõndaja: Mariko Faster 56 213 177
mariko.faster@gmail.com

Välländja: Võro Selts VKKF

Trükja: AS Võru Täht

Leht Internetin: http://www.umaleht.ee

Lehe välländamist tugõva:

Riiklinõ programm «Lõunaestri kii ja kultuur»



Sarapuu Arvo: kohustusligu riigiekäsmi võissi peris är häötä!

Põlva keskkooli direktori Sarapuu Arvo (54) om kimmä ilmakaemisõga inemine ja tiid täpsche, kuis tä umma kuuli juhti taht. Tä ütles ka ökva vällä, midä arvas koolivägivallast, kuulõ rittasädmisest ja muust, minkast parhilla Eestin kõnõldas.

Mille piati säänest rassõt ammõtit nigu koolidirektiri?

Üts põhjus om kimmale hindätestaminõ. Või-olla om mullõ antu sääne ülesannõ? Ku horoskoopi usku – olõ neitse tähtkuost ja hobõsõastal sündünü – sis piässi mul tüütegemise himmo iks jakkuma.

Koolielo kujondaminõ om nigu kivikeisi säädmise kivikivi pääle. Looda õnnõ, et vundament vasta pidä. Tukõ saa tuust kah, et saa töisi koolijuhtoga mõttit vaheta.

Kost olõti peri ja midä opnu?

Olõ sündünü väiku Illimariiga saman kotussõn – Ahjal. 1973. aastal lõpöti Kanepi keskkooli. Samal aastal lätsi Pedagoogilistõ Instituuti füüsiga-tüüppusõ oppajas opma.

Päält lõpötamist visati minno külma vette: pidi minemä tüüle Puiatu erikuuli. Pidi sääl neli aastat vasta, sis tulli tagasi ja lätsi oppama Vana-Koiola 8-klassilistõ kuuli.

Edesi tull 12 aastat tüüd Peri põhikoolin, mis parhilla om joba manalan. Viimäde kümme aastat olõ olnu Põlva keskkooli direktori.

Kuis om ti koolin lugu koolivägivallaga?

Või käsi süäme pääl üteldä, et mineväästa ega timahava olõ- ütlegi taplõmist olnu. Määne om õigõ vägivald, tuud

näi ma Puiatun. Sääl olõ ekä sorti poissõ: kes olõ sääl varguso iist, kes seksikuutüü iist, ma pidi eski ütte mõrdsukat oppama. Tuu es olõ miiltpiten, a midägi es olõ tetä.

Tuukord, Vinne aol, püüti kõkkõ jo undsõloori taadõ panda, a tegelikult om jo joba Lutsu «Kevade»-raamatun koolivägivalda.

Parhilla om mu meeblest taad

hätä tsipakõnõ üle võimondõt, a seo om jah periselt olõman ja kurb murõ.

Midä arvati haridusministri mõttost anda koolidirektrile trahvisõ õigusõ?

Ma kujoda tuud ette: ku

päält tuud koolin midägi hullu juhtus ja ma kõnõlõsi tuust politseile, sis ma arva, et mullõ vastatas: «Mille sa esi tuud är ei klaari?»

Ma olõ harilik inemine, mundrin inemisel om hoobis tõnõ roll ja tä piät tegemä töisi asjo. Ku ma piässä politsei-ammõ üle võtma, sis ma piässä kõgopäält kõvastõ õigustiudüst opma.

Tuu om mu meeblest iks tävelik jama – ku ma näütus määnestki nagamanni trahvi, sis või tulla jo kohtuasi koolijuhi vasta.

Sääl olõ ma, koolijuht, vastamisi tippahukaadiga ja tuu pand kõgõ koolijuhi «sällüle».

Määne om ti kuuntüü politseiiga?

Sändsest mõttost ei olõssi tohtu koolijuhtõlõ eski mitte kõnõlda!

Sakõstõ ei näc mi koolivägvalla tagamaid – elo om pallo kipõ. Tiit kipõlt tuu 800 kruuni trahvi är, a perän om tuust viil inämb trotsi ja pahamilt. Aša jääsi uurmaldala ja kõrda ajamalda.

Taha-i niimuudu, et ma kää, nõna pistü, ja latsõ pelgäse, et ma nakka trahvi tegemä. Mu autoriteet tuuga ei nõsõ, satas hoobis. Sändse aša jaos olkõ iks edesi nuuripolitsei ja alaiäliidsi kommissjon.

Määne om ti kuuntüü politseiiga?

Väega hää. Esieränis mi nuuripolitsei Liivamäe Pilviga, kes om väega ašalik ja võt umma tüd väega tõsitsõlt. Ku om määnegi hääd, tulõ tä ökvalt paiga pääl ja tuu avitas kõrraga. Politsei tege kuuli narko-käüke, ka käütas latsilõ politseitüüst kõnõlõman.

Ma olõ tuu puult, et ku koolin midägi juhtus, sis tuust piät kõnõlõma, mitte tuud juhtumist är käkmä.

Tuu om hullõmb, ku näüt, et kõik om kõrran, a tegelikult kõik mädänes seestpuult.

Ku sis ütskord plahvatus tulõ, olõssi tuu jo viil valusamb ja suurõmb pauk.

Mida arvati tuust kuulõ pingõritta säädmisest?

Mu meeblest KÖGÖ ARULAGÖDAMB (Sarapuu Arvo pallõl), et neo sõna kimmale suuri tähtiga kirja pantasi – UL asi Eesti Vabariigin!

Pallo nii-ütedä eliti kooli omma ilma uma piirkunnalda kooli. A suurõmb jago koolost, ka mi uma, omma piirkunnaga kooli. Tuu tähendäs, et mi piät kõik vasta võtma, kiä keskkoolin oppi tahtva.

Mi kooli man om viil tuu asi, et joba viis aastat teemi kuuntüü Võromaa kutsõhariduskeskusõga.

Tuu tähendäs, et meil om keskkoolijaon kats parallellklassi: üts kutsõklass ja üts akadeemiklass. Kutsõklassõ tsiht om jo hoobis tõnõ ja tuuperäst omma ka eksämitulõmusõ nõrgõmba.

A suurõ päävälhe toimõndusõn istus aokiränik, pand tuud kuulõ edetabõlit kirja ja arvas, et kooli vormva mändsitki «liikvit entsüklopeedjit». Ma olõ tävvaste sändse aša vasta.

Arva tuud kah, et kohustusligu riigiekäsmi võissi peris

Ku inemine tege maatüüd, tege tä veidemb ullúisi!

Maaelo – tugi naasõlõ

Parhilla olõ-i pallodõl cestläsil määnestki religiooni ega uma suguvõsa tukõ: liinastuminõ lahksõ surperre är.

Väikeisi latsiga naasõ rabõlõs ütsindä. Nä piat latsi mant tüü tegemä – saa-i latsi kasvata, ku inemisel määnestki vaimsõt asja man olõ õi ja halv om ka õnnõ karjääri tetä, ku kotun kiäki ei ooda.

Vanavanõmbist olõ-i kah sakõst api – nä võiva kavvõl ellä vai om näl hindä tegemii-si hulg. Latsiaid ja vannuko-do ei täüdä perre umavahelisõ läbikäümise kotust ja inemise elutsükli jääs poolikus.

Samal aol saa-i naasõ peris ilma toilda. Ku vanastõ tugi naisi sugukund ja kogukund, sis parhilla omma suguvõsa toe ja perimuskultuuri tarkuisi asõmõl egasugumadsõ beebe-kooli ja naisiklubi.

Eesti ütiskund om küländ miihikeskne. Miihi kurjust vabandõdas välä: nä omma väsunü, nä võivaki rüüki. Meesterahva palk piat kimmäle suurõmb olõma. Miis olku perre üllenpidäjä.

Ku aostarust kurjusõ vaon-

hoitmisõga ei tegele, või tuu üle pää kassu. Tuun ašan om naisil naisi tukõ vaia.

Luudus om tuu, miä ello kõrda saia avitas. Liinan võit hinnast rumalas kah mõtõl-da. Raiskat perädü hulga aigu, vett, keemiät, saadat hulga prükü maa-mäle krae vahõlõ.

Perän nakkas tuu kõik sullõ kätte masma. Ja mitte sullõ, maakerä om nii säet, et kõigilõ noilõ kah, kiä kokkohoitligult ell.

A ku elät maal, sis nakkat joba mõtloma. Mi võtsõmi näütuses eläjä. Mõlõmba maal kasunu inemise – kavva sa pillut üle jääanüt süüki är!

Parhilla läävää leeväkorõ-kõsõ hobõsõlõ, egasugumadsõ koorõ – eski baanaani uma – läävää kitsõlõ (olõ nänñu kitsi, kiä söövõ kogoni kohvipaksu är, mi uma viil ei taha).

Elu om hoobis tõistmuudu ja latsil ei olõ ikäv. Multifilme kaesõ nä küh kah tsipakõnõ, a hummogu om edimane asi:



KAUKSI ÜLLE, kiränik, Aasta naanõ 2008

HARJU ÜLLE PILT

läämi söödämi tibu är!

Nägevää, kuis mulda pant kardokast taim ja sis kardoga-pesakund saa, kuis munast tibu ja tibust munõja kana tulõ.

Seo om inemise jaos normaalnõ eluviis ja parhilla omma väega pallo prohvõti püürdnü sändse eluviie poold.

Sääne eluviis ei kurna mi maad väega är: toodat umalõ perrele. Ja ku inemine tege tüüd, tege tä veidemb ulluisi kah, tuu om tävvaste selge!

Ka bensiini ja autojuhtõ raiuskaminõ om kufast, ku vällämaalt noidsammu asju meile puuti vecetas, mis meil niigi kasusõ.

Tuu, et näid muial kasvata odavamb tulõ, om silmäpetüs, selle et vidämise ja teicchitüse pääle minejä kaño tulõ jo mano.

Inemisiil ülepää ja egäl inemisel tulõ märki ja tõistmuudu edesi ellä, selle et õnnõ kõiki inemisi pingutus või hirmsist aigost pääst.

Joudu, tarkust, väke ja mõdukust kõigilõ!

är häötä – tekke eksämit neo, kellel om tuud tõtõstõ vaia.

Kas maakoolõst ja liinakoolõst saa samavärt hari-dusõ?

Saa-i tuust arvo, kost sääne arvaminõ om tulnu, nigu olõssi maakulõlõ oppaja ruma-lamba ku liinakuulõlõuma? Ma olõ-i tuuga sukugi nõun.

Sakõst pruugitas maa- ja liinakoolõst kõnõldõn sõnna 'konkurents'. A tuu sõna om jo peri majandusõst ja ei passi sukugi opmisõga kokko.

Määne olõ koolielo sis, ku ti esi koolin käveti, ja par-hilla?

Oppaja omma iks edesi sama nõudja ku sis, a muutunu om tuu, kuis nõudmisõ pääle hinnast üllen peetas.

Umal aol olõ oppajil õigusi inämb. A ma esi es saa kunagi tunda oppaja vägivalda – tutistamist, kaardikepigaga vasta näppje jms. Jo sis ollimi umal aol hää klass.

Ilda aigu olõ Põlvan konvõ-rents, kon kõnõldi väike-ki si kuulõ kinnipandmisõst. Midä tuust arvati?

Ma esi kaños es kuulõ, midä sääl kõnõldi, a mu jaos om kooli man tähtsä opilaisi vecrepääline nummõr.

Tuu arv om vaia egäl liinal ja vallal esit vääll märki. Kuul saa õnnõ sis vasta pitä, ku oppaja saa egäl päiv klassi ette oppama minn.

Liitklassi mullõ väega ei miildü: oppamisõ kvaliteet kannatas.

A tuu puult ma kah ei olõ, et kuulõ kerge käega kinni pandas – külä vai alõvi elokeskusõ omgi jo iks kuul.

Kusse PEEDOSAARÓ KAISA



ALLASÓ TIIA PILT

Sarapuu Arvo lõud, et kuulõ pingõritta säädmise önnõ eksämitulõmusi perrä om ullüs: nii-ütedä eliti kooli saava parõmba opilasõ kokko koõada, tõsõ kooli piat kõik tahtja vasta vötma.

Jutuvõistlusõ võitja: kõik om elust maaha kirotood!

HARJU ÜLLE
ylle@umaleht.ee

Uma Lehe jutuvõistlusõ voidujutt «Sôda oll, a tankô es olôki» om peri kirotaja Rebäse Marina (77) noorostpôlvõst, ku tâ oll Karula valla Kaagjärve koolin oppajas.

«Tuu tangi-jutt ei olôki kirja pantult nii uhkõ, a ku lugõja olõsi esi nänñü, kuis tuu väiku poiss pistü saistaš, kai, et kas tötõst kiäki ei küsü midägi ja esi käe pistü ail!» naard Marina tuud ammust naäluku viil täämbägi.

Mis tuust väikust julgõst Reinukõsõst täämbädes saanu om? «EPA tä lõpõt, koskil määndsgeni firman tüül om, Keilan vast. Esä kuuli täl minevää kuu är, imä joba varramba, seo kandiga Reinul inämb sidet ei olõ,» seletas Marina.

Marina esi ei olôki sünñü poolõst võrokõnõ. «Võru keele olõ siin eläden är opnu,» seletas tä. Marina juurõ veevää esä puult hoobis Nõõ mailõ ja imä puult peris Põha-Eesti. «A miis om mul siist Koikkülast peri ja timä vanõmba iks kõnõliva võru kiilt kõvastõ. Ku mi latsõ väiku olli, sis nä olli sääl mehe vanõmbidõ puul hoita. Sääl opõ ka latsõ võru keele nii är, et kõnõlõsõ kõik är, mis vaia.»

Marina elas Kaagjärvel 1962. aastast, a vanal Võromaal 1953. aastast. Ammõdi poolõst om tä olnu eesti keele oppaja.

«Nigu nõidus mul takan käve – kohe ma lätsi,



HARJU ÜLLE PILT

Rebäse Marina voidujutt om peri timä nuurusaost.

säält kuul är kattõ,» seletas tä. «Kõdõ innc oll Koikküla kuul. Sis tuudi minnu üle siää Kaagjärve oppälajuhatajas. Sis kattõ seo kuul är – vinne debiiligu tuudi sisse. Lätsi edesi Valka õdagukulti, tuud kah muudõti, samal aol tetti Kaagjärvel kuul vahtsõst vallalõ. Tulli tagasi ja päält penssigi viil mitu aastat tüüti seon koolin.»

Marina miis oll kah oppaja, ja ütles, et katõ pensioniga saa seo ilma aigu är ellä küh.

Füüsikat kah. Üts Marina poig tüütas piirivalvõ ja käü Valgast Võrolõ tüüle, tõnõ poig om Valgan kaupmiis.

Marina uma vanamchega katõkeske eläse ökvalt Kaagjärve kooli pargi nukan väikukõsõn majakõsõn, lugõva, lahendasõ ristsõnno ja käavä vahepääl vanno inemiisi kluubin kah.

Uma cloga om Marina rahul ja ütles, et katõ pensioniga saa seo ilma aigu är ellä küh.

Jutuvõistlus oll' tõsitsõmb

Uma Lehe timahavadsõlõ suurõlõ jutuvõistlusõlõ saadõti kokko 80 juttu. Kirotajit oll 30: mitmõst Võromaa nukast ja Setomaalt kah. Juttõ saadi ka võrokõsõ ja seto, kiä cläse umast sünñukost kavvõn, a iks umma kiilt ja miilt avvu seen hoitva.

Tõsitsit juttõ oll' timahava inämb kirotõ ku varatasõmbil aastil – või-olla juht rassõmbas muutunu elo inemiisi mõttõ tõsitsõmbidõ ja kurvõmbidõ asjo pääle. Tiiä-i kas mõof tuu, et minevääastadsõ jutu-

liikmõ käest 10 punkti, kõgõ parõmb tõsinõ jutt kah 10. Edesi hääduselt tõnõ naafajut 9, tõsinõ jutt kah 9 punkti ja nii edesi üte punktini vällä. Jutuvõistlusõ võitjas tull tuu jutt, miä sai kokkovõttõn kõgõ inämb punktõ.

Taa voidujutt ilmus seon Uman Lehen, tõsõ jutu jääse umma kõrda uitma. Püvvämi kõgõpäält är trükki kolm parõmbat tõsist ja kolm parõmbat naajuttu, tõisi juttõ panõmi lehte tuu perrä, et iks talvinõ jutt talvitsõl aol, suvõjutt suvõaoal jne.

UMA LEHE TOIMONDUS

Žürii (Kauksi Ülle, Ojari Triinu, Koha Priit, Kalkuna Andreas, Rahmani Jan ja Harju Ülle) säädse ritta tõsidsõ ja naälidsõ jutu eräle. Kõgõ parõmb naajutt sai egä žürii

võtmist,» selef Põlvast peri Mõtsa Mari.

Näütusel om kokko katstõist pilti, egäst aastaaost kolm.

«Ma olõ tennü säändse valiku, et egäst aastaaost om üts suurõmb kachus ja kõrval kats detaili,» selef Mari, kinkalõ miildüs kõgõ inämb luudust pildistä.

Aasta algusõn oll näütus üllen Tarton Lõuna-Eesti kes-

kusõn. Edesi lätt näütus Verska raamatukokko, kon pilte saa näätä aasta lõpuni. Säält edesi rändas näütus Vastse-Kuuste raamatukokko.

Seo näütuse pildi omma tettü Tarto liinan, a kas Mari om plaanin ka Võromaa pildinäütus kokko säädi? «Jah, sääne plaan om,» ütelf Mari. Täl om tettü pilte Põlvast, Taivas-kuast ja Meenikunnust.

Jutuvõistlusõ parõmba jutu

Naälidsõ jutu:

1. «Sôda oll, a tankõ es olôki» (Rebäse Marina) – 49p (Võidujutt!)
2. «Joba lätsivä» (Leoki Hilja) – 31p
3. «Petüs reklama» (Pressi Heldur) – 23p

(Orassoni Rael-Adiina), «Viina võim» (Oraveere Anni), «Kardokalugu» (Säinasti Asta), «Mõtlomalda tego» (Oraveere Anni), «Rüähakkõ palotaminõ» (Jegorovi Eevi), «Vastaolu» (Oraveere Anni).

Tõsidsõ jutu:

1. «Kuis kuulja ello tull» (Ämariku Volli) – 46p
2. «Johannese lugu» (Vähesoo Luule) – 44p
3. «Kiisapoast odavamb» (Säinasti Asta) – 27p

Eräävohinna:

Ettekuulutusõ tääudemineki eräpreemiä: «Viimane paraat, ilma muusikalda» (Orassoni Rael-Adiina)

Elolidsõ jutu eräpreemiä: «Seebikas ja viläkülv» (Jõgi Juta)

Hõigunimejutu eräpreemiä: «Naarukotus nr 3» (Oraveere Anni)

«Nigu mustik kahrupersele!»-preemiä: «Mustikit otsman» (Liberi Malle)

Lühkült ärülemise preemiä: «Koonõrdaminõ» (Jegorovi Eevi)

Ütiskunna mädäpaisõ vallakakmisõ preemiä: «Julgõ hundi rind om rasvanõ!» (Pärnaste Leida)

Vanasõna tääudemineki preemiä: «Kuis ma uma tsekenduse peräst tüüst ilma jäi» (Jöksi Ado)

Hää latsõ-iä mälehtuse preemiä: «Latsõpôlvõ seencehkäümme» (Hurda Veera), «Matussõlugu» (Vähesoo Luule), «Sõlitas» (Säinasti Asta), «Kaabu ja kats taksot» (Säinasti Enno), «Mu imä lamba ja varsaga sõidu» (Mandli Sulõv), «Esicräline lehmä tallitamisõ lugu» (Mandli Sulõv), «Julgõ hundi rind om rasvanõ!» (Pärnaste Leida)

Pinijutu eräpreemiä: «Küüdsiga jahipini» (Kalkuna Mati)

Sannajutu eräpreemiä: «Tütrikkõga sannah» (Kuusõ Villu)

Piinu seletuse eräpreemiä: «Esicräline lehmä tallitamisõ lugu» (Mandli Sulõv)

Satusligu vidämise eräpreemiä: «Rongiõnnõtus» (Posti Olev)

Hallõ elo kujotamisõ eräpreemiä: «Aabidsa kikas ja ämm» (Riitsaard Lainõ)

Lustipreemiä: «Pulma ilma kosilasõlda» (Liira Singa)

Hindäkittuse eräpreemiä: «Kavval Brüsseli poiskõnõ» (Väljandu Ellen)

Viil saa eräpreemiä ainukõnõ jutuvõistlusõlõ kirotnu lats Sae Ats (12), kiä kirof jutu «Kuis mu kallis sõsaralats mullõ pessä andsõ».

Jutuvõistlusõ avohinna panni vällä:

Põlva Tarbijate Ühistu (pääavohind!)

OÜ Linnamäe Puit

Haani söögitarõ

Alvela Mati

Põlva Perejuksur (Jaama 12a Säästumarketi pääl)

OÜ Kanepi Aiand

Võru Linnateater

Kalkuna Mari

Alaveski eläjäpark

Võro instituut, Setomaa valdadõ liit ja Uma Lehe toimondus

Innembi



Tarrõ helü saamisõ lugu

1957. aastal olli ma säitsme-aastanõ, ku mu imä Moskvast radio telse.

Oll keerolinõ tallitus. Pidit võimõ käest lúa saama, et mille sullõ ökva kolmõlainõlist vaia, ku katõlainõlinõ tuusama aša är aja. Ti tahati Ameeriga hel-lü kullõlida lühkü lainõ päält, ütlivä võimu. Võimu seleti, et pikä lainõ päält kuulõti kõiki Vinnemaa ja kesklainõ päält Eesti uudisit. Nii es antagi kolmõlainõlist, anti katõlinõ.

Luaga tull tetä telmine tollõ-aigasõ side kaudu. Ku pakk kären oll, tull töist katõ mchega nõsta. Võisõ olla uma kolm-neliküm-mend killo rassõ.

Raadio tühi es kaalu pallo, vast viis killo, a kats anuuti ja aku kaaldsõva päämidse osa. Vasõst traadikerä ja tsingitüst traadist maandusõ jaos ollõv traat kaaldsõva kah mõnõ kilo.

Sõs oll viil vändäga maandus-pesä, mis kruvvõga saina päälle käve ja vinnekiilne oppus oll kah üten. Kats valgõt isolaatorit olliva kah. Noidõ isolaatorrõ vahilõt tömmati tuu vasõst antenn, mis harilult katõ katusõ vahilõ oll.

Kummagi isolaatori kinnütä-mises katusõ haast välän olõva toki külge kullu kah jupikõnõ tsinktraati är. Antenni külgest tull tõnõ vasõst keerotõt pec-nemb traat, mis kah üten oll, vändäga maanduspesä külge.

Edesi tetti ühdündus raadio külge. A maandusjuhe tull läbi maanduspesä raadiost vällä poolõtõsõ miitredse raudpulga külge. Tuu pulk, mis maa sisse tull lüvvä, pidi hindast olõma.

Kõiki noid töid tull tõsatundjal meistril laskõ tetä, kes mõistsõ säändsele katõlainõlõlõ raa-dioli helü sisce aia. Anoodi andsõva raadiolambõl vuulu, a akut oll vaia raadio seen tollõ peenembä värgi jaos.

Ku helü tarrõ sai, kõnõlõ ökva elektrifitsiirmise kavast, et ka külli sisce piäsi naatama elektrit pandma. Mi külän sõs elektrit es oll. Meistri hoiat, et kullõlgõ veidü, sõs ei piä ni ruttu vahtsit küttit telmä. Nuu peivä vasta umbõs aasta aigu. Vahtsõstelmine oll lihtsamb. Es olõ inämp lupa vaiia.

Vot sääne oll puul aastagasata tagasi tarrõ helü saamisõ lugu, mis parhillatsõl aol ei olõ mää-negi ime. Taa lugu juhti Haani vallan Villa külän. Täämbädes toda maia inämb ci olõ.

MANDLI SULÖV

Keeleuurja tege luudusõst pilte

RAHMANI JAN

Minevã riidi istuti Põlva raamatukogon lavva ümber ja süüdi kuuki. Perämäst päivä oll' üllen Mõtsa Mari (Mari Mets, 30) fotonäitus «Aastaajad Tartus».

«Ma näütust pidolidsõlt valla es tii, tuuperäst kutsõ tutvit kokko inne näütuse maaha-

võtmist,» selef Põlvast peri Mõtsa Mari.

Näütusel om kokko katstõist pilti, egäst aastaaost kolm.

«Ma olõ tennü säändse valiku, et egäst aastaaost om üts suurõmb kachus ja kõrval kats detaili,» selef Mari, kinkalõ miildüs kõgõ inämb luudust pildistä.

Aasta algusõn oll näütus üllen Tarton Lõuna-Eesti kes-

kusõn. Edesi lätt näütus Verska raamatukokko, kon pilte saa näätä aasta lõpuni. Säält edesi rändas näütus Vastse-Kuuste raamatukokko.

Seo näütuse pildi omma tettü Tarto liinan, a kas Mari om plaanin ka Võromaa pildinäütus kokko säädi? «Jah, sääne plaan om,» ütelf Mari. Täl om tettü pilte Põlvast, Taivas-kuast ja Meenikunnust.

Lüllemäele Kai-ka suvõlikuuli.



Mõtsa Mari üten tütre Loonaga Põlva raamatukogon kohvi-lavava takan.

RAHMANI JANI PILT

Uma Lehe suurõ jutuvõistlusõ võidujutt!

Sõda oll, a tankõ es olõki

REBÄSE MARINA

Taa lugu juhtu Karula valla Kaagjärve koolin 1960. aastil.

Tuul aol oll radokuu 23. päiv armec aastapäiv ja tuud pidi kimmale tähüstämä.


Koolilatsilõ kõrraldödi egäl aastal kokkosaamiisi sõaveteraanõga.

Peräkord oll latsil noist jo nii viländ, et kiäki taha-s õigõdõ kullõldagi, midä nuu veterani pajativa.

Ütskord olli jälki armee aastapääväs opilasõ saali kokko aedu, istõva ilost - väikumba iinpuul, surromba takan.

Sõaveteraan kõnõl uma luu är. Perän direkti kusse: «Latsõ, kas ti tahati veterani käest midägi küssu?» Kiäki es taha.

«Küsuge ummõhto midägi!» härgüü direktori. Ja nii uma neli-viis kõrda perästikku. Ei midägi! Kiäki es taha küssu. Olokord läts



PLATSI LIISO TSEHKENDÜS

joba piinligus.

Sis üts edimäde klassi poiskõnõ - jo tä mõõtl, et kiäki piät kooli avvu är päästmä - saistaś pistü. Tä säädsc hinnast direkti kõrvald ja kai uma silmäga üle, kas takastpuitl suruõmba poisi kätt ei nõsta. Istsõ jäl pingi päälle, ai uma käckese pistü

ja ütel kõva helüga: «Ma esi küsü!»

«Jaa, Reinukõnõ, küsü-küsü!» oll direkti hää mil. Ja Reinukõnõ küsseg: «Mõista, mõista, mis tuu om: tarõ rahvast täus, olõ-i ussi egä aknit iin?»

Tuu oll väega rassõ küsümüs. Pand' veterani kõvva

mõtlõma: küh kratsõ kõrva takast, küh süüf otsakunti. Kõrraga oll näät, et mudsu tükus hättää jäämä.

A kavva sa iks mõtlõt, lats uut vastust. «Ma küh kimmale ei tiää, a kas taa om tank vai?» «E-ii! Olõ-i tank, taa om kurk!» hõisa Rein.

Hõiksi toro sisse kõva, pidivä kuulma külh!

Kiroda teile üte hallõnalalidsõ töötstsündün liu. Seo juhtu edimäde Eesti valitsusõ aigu lõpuaastil kas 1938. vai 1939. aastal Jõgõhara veski umanigu herr Põdra matmisõga.

Tuukõrra oll veski umanik iks rikas miis, a mehel es olõ tervüst. Täl oll kopsutiisikus. Oll ütelnü, et mul olõs nii pallo rahha ja rikkust, ku lövväsi säändse incemise, kes mu terves ravisi. A tuudaigu es jõuta tiisikust är ravvi ja nuur miis pidi är kuulma.

No peeti sis iks suursugudsõ matusõ. Matõti Kanepile Mäe surnuaida. Matusõkõrraldaja lepevä kellälüüjäga kokko, et talle kõlistõdas, kuna om paras aig källä lüümä naada. Lähemb telefon oll sis Kärgula mõisan saevabrigu umanigu herr Konde Voldemari majan. No tuu oll tuu vanaaolinõ telefon, mis oll saina pääl, oll vändäga ja kõlisõja kellaga, tsängu külen oll kõnnõtoro vai sis kõlistaja.



A oh hätä: matusõrong nakaś otsapiten jo surnuaida joudma, a ei olõ kellälüümist! Mõtoldi, et mis taa asi nüt om, kos tuu kellämisi om jäänu, et kellä ei lüvvä. Manti kellamehele kodo.

Kellämisi ütel: «Es tiää ma midägi tuust, kunas ti tulõt.» «No kuis es tiää, teile pidi jo kõllis-tõtõma, et mi tulõmi?»

Kellämisi vasta, et ei olõ talle kiäki kõllis-tanu. Noh, sis naati esi-hindän Mari-kõist süüdis-tämä: kuis tä külh meid petse, esi lubaś nii lahkölt aśa är aia. No kellämisi tull' kohalõ ja lei uma paugu iks kombõ perrä är ja koolnu sai matõtus.

Kodo minnen minti Marilõ harja: «Kuis sa nii teit, luba sit kõlista ja nüt kellämisi es tiää midägi?» Marikõnõ vasta: «Pühä jummal, nigu ti mõisast läbi är sait, nii ma joosi telefoni mano ja hõiksi sinnä torro viil nii kõvva, et joba lätsivä, pidivä kuulma külh!»

Naati sis urma, kui tuu kõlistaminõ täl käve, et inne pidit väntämä, sis kõlisi kell ja sis sait kõnõlama naada. Mari ütel, et es tiää ma tuust vändäst es kellast midägi, ma es putuki tuud väntä.

No sis sai asi selges. Marilõ anti andis, tä täütse uma kohustusõ är, no mis sääl tetä, ku es tunnõ tuud asja õigõlõ. Asi sai iks kõrda ja koolnu matõtus. Tuu jutt läts Kärgula külä päälle lakja ja nałahamba irve hulga aigu viil perrä, ku oll kohegi minekit vai nii, et Kava Mari viisi joba lätsivä!

LEOKI HILJA

Latsilõ

Vastussõq saatkõq

Tartu 48, Võro liin

65609 Uma Leht vai

info@umaleht.ee.

Manoq kirotagõq uma nimi, vannus, aadrós ja telehvoninummõr.

Vastajidõ vahõl loositas vällä võrokeelitsit latsiraamatit vai kasette ja Uma Lehe klepse.


Minevõrdsõ mõistatusõ vastussõq: *haukama, purõma*. Eesti keelen tähendäse mõlõmbaq *hammustama*.

Avvuhinna saavaq **Raamatu Raigo (12)** Kääpä küläst ja **Taali Kristin (11)** Hindsiku küläst.



Tarkus ilma rahalda

Kõgõ parõmb aoleht, midä ma nännü olõ, om Kesknädal. Selle, et sääl kirotõdas kõik aig tööt. Päält tuu om kõik, miä vaia, päälkirju sisse är käkit ja väsütävät pikkä jutu olõki-i vaia läbi nätsüta.



RUITLASÕ OLAVI,
leheneegri

kotust, kon timmä jakkus! Näütuses toda kostut, kohe nuu kümme miljoni dollarit är sai käkitüs, mis nüt döldi kurssi arvõsta joba vast katõtõistkümes miljonis kasunu om!

Saman lehen oll rubriki «Kuu pähkel». Tollõ all om kirotõt:

«Esimene lumi. Andrus Ansip ja teised sportlikud reformierakondlased saavad varsti suusatada.» Miä umakõrda näütas, et ku ülejäänu rahvas massinit hangõst vällä visksivä, tiiveere Taisto ja Sebe bussõ ni vähambit massinit täüs olliva, määrevä sportliu rehvormierakundlasõ suusõ. Samal aol ku Savisaar piltlulgut üteldä terve Tafna liina lumõlapjuga puhtas tougaš, teivä sportliu rehvormierakundlasõ paarintökit.

Rohiliidsil om kah uma leht. Õigõmbalõ kats lehte - Korts-leht ja Grüüne. A mu meelest piässä Rohiliidsõ talvõl, ku maa valgõ om ja rehvormierakund suusõ määär, mulgu kinni hoitma. Keväjä ütelgu, ku midägi üteldä om.

Rahvaliitlaisi helükandjas om Hooliv Eesti. Nälä sääld midägi lukõ ei olõ, a pildi omma ilosa. Üten oll Langa Rein pangis tsusat, tõsõ pääl illos latsõ pilt. Pildialakirotus oll: «Karel Rüütli, Rahvaliidi esimees.» Vähambält latsi nä uskva.

Hää, et erakundõ massulda helükandjin kõik ilma aśa är seletedäs! Sis ei piä raha iist lehti ostmagi.

Tossu Tilda pajatusõ

Lätt müüdä. Ei läää müüdä

Kandlõ majja pidolõ, sääld trehvää olõma ka naasõ tüükaaslaõ.

Tuu oll kõva elomiis, a muido tsipa tuhña. Talle miildu tuusama nuur naistõrahvas. Ja ku naasõ miis tsipas aos töisi mihiga juttu läts ajama, ujjo elomiis naasõlõ kule ala.

«Mille teil viil latsi ei olõ?» uursõ tā. «Meil olõ-i majasõ-pra!» visas naasõ villast.

Ku abielomiis tagasi tull, paksõ elomiis hinnast õkva majasõbras. Nuur naasõmiis kai pahatsõlõ uma naasõ otsa, a es ütle midägi. Koton pahand väga säändse jutu pääle.

Elo läts edesi ja nuur abielorahvas sai latsõ. Majasõp lääki-s vaia.

Aeti läbi majasõbralda

Taa juhtu pallõ aastit tagasi. Nuur abielopaar läts Võrolõ

ÖÜ Flamelle tennäs kliente hää kuuntüü iist!

Ku murõlik om mül, tüü-reklaamirõiva puudu vüil, mõ poolõ olkõ tül. Rõõmsas tege tuu su meelee ku saat röövilõ ja logo pääle.



Valmisrõiva 46-62 (õkva kätte!)
talvõkomplekt 980 kruuni,
suvõkomplekt 730 kruuni

Jõlukingis pakumi:
sannalinnu, fliise, T-hammit, mütse jpm.

Petseri 17, Võro liin
Tel 782 1863, 505 0242

Flamelle